

ZEPHANIA

Outeur : **Zephania**
Aan : **Israeliete**
Rede : **Oor hulle**
Geskryf tussen : **geskiedenis.**
640-609 BCE

Voorwoord.

Zephania het teen die einde van die 7de eeu v.C., as profeet opgetree. Hy verkondig dat Aleim 'n einde gaan maak aan alles wat op aarde is, met die insluiting van die verbondsvolk en die buurvolke van Israhel. Die oordeel word in verband gebring met die koms van die dag van IEUE. Alhoewel Jerusalem tot ondergang gedoem is, sal die stad weer herstel word en 'n nederige en ootmoedige volk wat op die Naam van IEUE vertrou, sal daar woon.

Die groot Dag van Adonia.

1 Die woord van IEUE wat gekom het tot Zephania, die seun van Kusi, die seun van Gedália, die seun van Amárhia, die seun van Hiskía, in die dae van Iosía, die seun van Amon, koning van Juda.

Ek sal alles van die aardbodem af wegraap.

- 2** Saamskraap, wegraap sal Ek alles van die aardbodem af weg, spreek IEUE.
- 3** Ek sal wegraap mense en diere, Ek sal wegraap die voëls van die hemel en die visse van die see en die struikelblokke saam met die goddelose, ja, Ek sal die mense uitroei van die aardbodem af weg, spreek IEUE.
- 4** En Ek sal my hand uitstrek teen Juda en teen al die inwoners van Jerusalem; Ek sal ook uit hierdie plek uitroei wat van Baäl oorgebly het, die naam van die afgodsdienaars saam met die priesters;
- 5** en die wat op die dakke die leer van die hemel aanbid; en die aanbidders wat by IEUE sweer en sweer by Milkom.
- 6** Ook die wat van IEUE afvallig word en wat IEUE nie soek en Hom nie raadpleeg nie.

Die Dag van IEUE is naby.

- 7** Swyg voor IEUE Aleim! Want die dag van IEUE is naby; want IEUE het 'n offer berei, sy gaste geheilig.
- 8** En op die dag van die offer van IEUE sal Ek besoeking doen oor die vorste en die prinse en oor almal wat uitlandse klere dra.
- 9** Ek sal ook op dié dag besoeking doen oor almal wat oor die drumpel spring, wat die huis van hulle here vul met geweld en bedrog.
- 10** En op dié dag, spreek IEUE—hoor! 'n geskreeu van die Vispoort af en 'n gehuil van die Nuwe Stad af en 'n groot gekraak van die heuwels af!
- 11** Huil, o inwoners van die Vysel! want al die koopmans gaan te gronde, almal wat geld afweeg, word uitgeroei.
- 12** En in dié tyd sal Ek Jerusalem met lanterns deursoek en besoeking doen oor die manne wat dik geword het op hulle afsaksel, wat in hulle hart sê: IEUE doen geen goed en Hy doen geen kwaad nie.
- 13** En hulle rykdom sal geplunder word, en hulle huise verwoes word; en as hulle huise bou, sal hulle dit nie bewoon nie; en as hulle wingerde plant, sal hulle die wyn daarvan nie drink nie.
- 14** Naby is die groot dag van IEUE, naby en baie haastig. Hoor! die dag van IEUE! Bitterlik skreeu die held daar.
- 15** Dié dag is 'n dag van grimmigheid, 'n dag van benoudheid en angs, 'n dag van woestheid en verwoesting, 'n dag van duisternis en donkerheid, 'n dag van wolke en wolkenag,
- 16** 'n dag van basuingeklank en krygsgeskreeu teen die versterkte stede en teen die hoë hoekvestings.
- 17** En Ek sal die mense in benoudheid bring, en hulle sal rondloop soos blindes, omdat hulle teen IEUE gesondig het; en hulle bloed sal vergiet word soos stof en hulle ingewande soos drek.
- 18** Hulle silwer of hulle goud sal nie in staat wees om hulle op die dag van die grimmigheid van IEUE te red nie, maar deur die vuur van sy ywer sal die hele aarde verteer word; want Hy bring

vernietiging, ja, 'n verskriklike, oor die inwoners van die aarde.

Waarskuwing aan die Nasies.

- 2** Kom tot julleself, ja, kom tot inkeer, o nasie wat nie skaam word nie!
- 2 Voordat die besluit baar—soos kaf gaan die dag verby—voordat daar oor julle kom die toornloed van IEUE, voordat oor julle kom die dag van die toorn van IEUE.
- 3 Soek IEUE, o alle ootmoediges van die land, wat sy ordening onderhou; soek geregtigheid, soek ootmoedigheid—miskien sal julle verborge bly op die dag van die toorn van IEUE.

Ek verdelg jou sodat daar niemand meer woon nie.

- 4 Want Gasa sal verlate wees en Askelon tot verwoesting; Asdod sal op die helder middag verdryf word, en Ekron sal ontwortel word.
- 5 Wee die inwoners van die kusstreek, die nasie van die Kretiërs! Die woord van IEUE is teen julle, Kanaän, land van die Filistyne—Ek verdelg jou, sodat daar niemand meer woon nie.
- 6 En die kusstreek sal weiplekke met putte wees vir herders en krale vir kleinvee.
- 7 En dit sal wees 'n deel vir die oorblyfsel van die huis van Juda: hulle sal daarop wei; hulle sal saans in die huise van Askelon gaan lê, want IEUE hulle IEUE sal op hulle ag gee en hulle lot verander.

IEUE moet deur almal gevrees word.

- 8 Ek het gehoor die smaadtaal van Moab en die beskimping van die kinders van Ammon, waarmee hulle my volk gesmaad het, en hoe hulle hul groot gehou het teen sy grondgebied.
- 9 Daarom, so waar as Ek leef, spreek IEUE van die leërske, die IEUE van Israhel: Moab sal word soos Sodom en die kinders van Ammon soos Gomorra—'n veld van brandnekels en soutpanne en 'n verwoesting vir ewig; die oorblyfsel van my volk sal hulle berowe, en die res van my nasie sal hulle beërwe.

- 10 Dit oorkom hulle vir hul trotsheid, want hulle het geskimp op en hulle groot gehou teen die volk van IEUE van die leërske.
- 11 Vreeslik sal IEUE teen hulle wees, want Hy laat al die gode van die aarde wegwyn; sodat hulle Hom kan aanbid elkeen uit sy woonplek, al die kuslande van die nasies.
- 12 Ook julle, o Kusiete, deurboordes van my swaard is hulle.
- 13 Dan sal Hy sy hand uitstrek teen die noorde, en Hy sal Assur vernietig en Ninevé tot 'n verwoesting maak, dor soos die woestyn.
- 14 En binne-in die stad sal troppe vee lê en allerhande gediertes by troppe, die pelikaan sowel as die krimpvarkie op sy kapitele vernag; hoor! daar word gesing in die venster; verwoesting sit op die drumpel, want hulle het die sederwerk afgeruk.
- 15 Dit is die uitgelate stad wat so veilig gewoon het, wat in sy hart gesê het: Dit is ek, en niemand anders nie! Hoe het dit 'n verwoesting geword, 'n lêplek vir wilde diere! Almal wat daar verbytrek, spot, skud met die hand.

Die Sonde en Verlossing van Jerusalem.

- 3** Wee die opstandige en die besoedelde, die verdrukkende stad.
- 2 Dit luister na geen stem nie, dit neem geen tugtiging aan nie; op IEUE vertrou dit nie, tot sy IEUE kom dit nie nader nie.
- 3 Sy vorste binne-in hom is brullende leeus; sy regters is aandwolwe wat niks vir die môre oorlaat nie.
- 4 Sy profete is ligsinnig, trouelose manne, sy priesters verontreinig wat heilig is, hulle verkrag die wet.
- 5 Die IEUE is regverdig binne-in hom, Hy doen geen onreg nie; elke môre laat Hy sy reg aan die lig kom, dit ontbreek nooit nie; maar die kwaaddoener ken geen skaamte nie.
- 6 Ek het nasies uitgeroei, hulle hoekvestings is vernietig; hulle strate het Ek verwoes, sodat niemand meer verbygaan nie; hulle stede is verniel, sodat daar geen mens, geen inwoner in is nie.

- 7 Ek het gesê: Mag jy My maar vrees, tugtiging aanneem! Dan sou sy woonplek nie uitgeroei word nie, nie plaasvind alles wat Ek teen hom bestel het nie. Nogtans het hulle met ywer al hulle handeling bederwe.
- 8 Daarom, verwag My, spreek IEUE, op die dag wat Ek My gereed maak vir die buit; want dit is my strafoordeel om nasies te versamel, koninkryke te vergader om my grimmigheid oor hulle uit te stort, al die gloed van my toorn. Want die ganse aarde sal deur die vuur van my ywer verteer word!
- 9 Want dan sal Ek aan die volke rein lippe toebring, sodat hulle almal die Naam van IEUE sal aanroep en Hom met 'n eenparige skouer sal dien.
- 10 Oorkant die riviere van Kus vandaan sal my aanbidders, my verstrooide gemeente, my offerande bring.
- 11 Op dié dag hoef jy jou nie te skaam weens al jou dade waarmee jy teen My oortree het nie; want dan sal Ek uit jou midde wegruim die wat in jou oormoedig jubel, en jy sal jou nooit hoogmoedig gedra op my heilige berg nie.
- 12 En Ek sal tussen jou in laat oorbly 'n ellendige en geringe volk wat by die Naam van IEUE skuiling soek.
- 13 Die oorblyfsel van Israhel sal geen onreg doen en geen leuentaai spreek nie, en in hulle mond sal geen bedrieglike tong gevind word nie; maar hulle sal wei en neerlê, en niemand sal hulle verskrik nie.
- 14 Jubel, o dogter van Sion, juig, o Israhel! Verheug jou en jubel van ganser harte, o dogter van Jerusalem!
- 15 IEUE het jou oordele opgehef, jou vyand weggeveeg; die koning van Israhel, IEUE is by jou, jy sal geen kwaad meer vrees nie.
- 16 In dié dag sal aan Jerusalem gesê word: Vrees nie, o Sion, laat jou hande nie slap hang nie!
- 17 IEUE jou IEUE is by jou, 'n held wat verlossing skenk. Hy verheug Hom oor jou met blydschap; Hy swyg in sy liefde; Hy juig oor jou met gejubel.
- 18 Die wat bedroef is, ver weg van die fees, versamel Ek; hulle hoort by jou, die smaad druk swaar op hulle.
- 19 Kyk, in dié tyd sal Ek met al jou verdrukke handel; en die wat kreupel is, sal Ek red; en die wat verjaag is, versamel; en Ek sal hulle maak tot 'n lof en tot 'n roem wie se skande oor die hele aarde was.
- 20 In dié tyd sal Ek julle aanbring, ja, in die tyd wanneer Ek julle versamel; want Ek maak julle tot 'n roem en tot 'n lof onder al die volke van die aarde, wanneer Ek voor julle oë julle lot verander, sê IEUE.